

Ang Kahayag ni Kristo

Ipasabot ang Kahayag ni Kristo

Basaha ang Doktrina ug mga Pakigsaad 88:12–13, mangita sa mga paghulagway sa Kahayag ni Kristo.

Basaha ang mosunod nga kahulogan sa Kahayag ni Kristo:

“[Ang Kahayag ni Kristo mao] ang balaan nga kusog, gahom, o impluwensiya nga nagagikan sa Dios pinaagi ni Kristo ug naghatag og kinabuhi ug kahayag sa tanan nga mga butang. Kini mao ang balaod diin ang tanan nga mga butang gidumala didto sa langit ug dinhi sa yuta (D&P 88:6–13). Kini usab makatabang sa mga katawhan sa pagsabot sa mga kamatuoran sa ebanghelyo ug pagtabang sa pagbutang kanila diha niana nga dalan sa ebanghelyo nga paingon ngadto sa kaluwasan.” (Giya ngadto sa mga Kasulatan, “Kahayag, Kahayag ni Kristo,” scriptures.ChurchofJesusChrist.org)

- Unsaon nimo sa pagpamubo kon unsa ang imong nasabtan sa Kahayag ni Kristo?
- Sa unsang paagi kaha ka personal nga naimpluwensiyahan sa Kahayag ni Kristo?

Ang Kahayag ni Kristo isip atong tanlag

Usa ka pagpakita sa Kahayag ni Kristo mao ang atong tanlag. Pagsulat og kahulogan nga ang usa ka Primary nga bata makasabot kon unsa ang imong nasabtan sa tanlag.

Basaha ang mosunod nga kahulogan ug tan-awa unsa ang mahimo nimong ikadugang sa imong kahulugan:

“Ang [tanlag] mao ang lawom nga pagsabot sa matarong ug sayop, gikan sa Kahayag ni Kristo diha sa tanan nga mga tawo (Moro. 7:16). Kita natawo uban sa kinaiyanhon nga katakos sa pag-ila tali sa matarong ug sa sayop tungod sa kahayag ni Kristo nga gihatag ngadto sa matag tawo (D&C 84:46). Kini nga pagbati gitawag og tanlag. Ang paghupot niini makahimo kanato nga may kapangakohan nga mga binuhat. Sama sa uban nga mga pagbati, ang atong mga tanlag mahimo nga madaot pinaagi sa sala o sa sayop nga paggamit.” (Giya ngadto sa mga Kasulatan, “Tanlag,”) scriptures.ChurchofJesusChrist.org

Basaha ang Doktrina ug mga Pakigsaad 84:45–46 ug Moroni 7:16, mangita sa mga pulong nga naghulagway kon sa unsang paagi ang Kahayag ni Kristo naglihok isip atong tanlag. Ikonsiderar ang paghimo og cross-reference alang sa duha ka mga bersikulo.

- Unsa ang hugpong sa mga pulong gikan niini nga mga bersikulo nga nagtabang kanimo sa pagsabot kon unsa ang tanlag?
- Ngano kaha sa imong hunahuna nga ang Langitnong Amahan ug si Jesukristo mihatag kanimo og tanlag?

Sa unsang paagi nga ang pagpaminaw o pagbaliwala sa imong tanlag makaimpluwensiya sa mga pagpili nga imong gihimo ug sa imong mahangtorong destinasyon?

Ang Kahayag ni Kristo anaa sa tanan

Handurawa nga gihangyo ka sa pagpakigbahin og mubo nga hunahuna sa Sunday School kon unsaon sa pagtan-aw ug pagtratar og mas maayo ang tanan nga mga tawo, ilabi na niadtong lahi kay kanimo. Mahimo nimong gamiton ang mosunod nga mga kapanguhaan ug bisan unsa nga imong nakita nga makatabang.

Doktrina ug mga Pakigsaad 88:11

Doktrina ug mga Pakigsaad 93:2

Si Presidente Boyd K. Packer (1924–2015) sa Korum sa Napulog Duha ka Apostoles mitudlo:



Kon mas daghan kita og nahibaloan mahitungod sa Kahayag ni Kristo, mas masabtan nato ang mahitungod sa kinabuhi ug mas makabaton kita og lawom nga gugma alang sa tanang katawhan. Kita mahimong mas maayo nga mga magtutudlo ug mga misyonaryo ug mga ginikanan, ug mas maayo nga mga lalaki ug mga babaye ug mga bata. Kita makabaton og mas lawom nga pagtagad alang sa atong mga kaigsoonan diha sa Simbahan ug niadtong dili motuo. . . .

Ang Kahayag ni Kristo sama ka unibersal sa kahayag sa adlaw mismo. Bisan asa adunay kinabuhi sa tawo, anaa ang Espiritu ni Kristo. Ang matag buhi nga kalag gipanag-iya niini. . . .

Kon atong masabtan ang reyalidad sa Kahayag ni Kristo diha sa tanan nga atong makita . . . ug sulod sa atong kaugalingon, . . . kita makabaton og kaisog ug inspirasyon lapas nianang atong nahibaloan kaniadto. Ug *kinahanglan nga* ingon niini! Ug kini mahimo *nga* ingon niini! Kining tanan usa ka sukod sa kamatuoran sa ebanghelyo nga diyutay ra kaayo ang nakasabot. (Boyd K. Packer, "The Light of Christ," *Ensign*, Apr. 2005, 8, 13–14)

Pagsulat og duha ngadto sa tulo ka kapahayag nga naghunahuna kon sa unsang paagi ang pagsabot sa Kahayag ni Kristo makaimpluwensya kon giunsa nimo pagtan-aw ang uban.

Ang Kahayag ni Kristo sa uniberso

Natandog ka na ba sa katahom o kahalangdon niining yuta ug sa uniberso? Unsa nga mga pagbati ang gipagawas niini nga mga butang diha kanimo?

Basaha ang Doktrina ug mga Pakigsaad 88:7–10, 45–47 ug pangitaa kon unsay imong nakat-onan mahitungod sa Kahayag ni Kristo, sa yuta, ug sa uniberso.

- Unsa ang atong makat-onan mahitungod sa Ginoo gikan sa Iyang mga linalang?
- Sa unsang paagi nga ang pagkakita sa impluwensiya sa Dios sa uniberso makatabang kanato sa pag-ila sa Iyang impluwensiya sa atong kinabuhi?